



Broj: 10/E-11-2066/22
Sarajevo, 31-03-2022 godine

Na osnovu člana 70. stav (1), (2), (3) i (6) i člana 98. stav (2) tačka a) Zakona o javnim nabavkama Bosne i Hercegovine ("Službeni glasnik BiH", broj 39/14) (u daljem tekstu: Zakon), člana 69. Statuta Općine Centar Sarajevo – Prečišćeni tekst («Službene novine Kantona Sarajevo», broj 23/04), a na prijedlog Komisije za nabavku roba, usluga i radova I (u daljem tekstu: Komisija I), u postupku javne nabavke za izvođenje dodatnih radova na nadogradnji i rekonstrukciji javne rasvjete na području Općine Centar Sarajevo, putem pregovaračkog postupka bez objave obavještenja, (Zapisnik o pregledu i ocjeni početne i konačne ponude broj: 10/E-11-2066/22 od 23.03.2022. godine), Općinski načelnik d o n o s i

ODLUKU O IZBORU NAJPOVOLJNIJEG PONUĐAČA

- I. Prihvata se konačna ponuda ponuđača **"STEP" d.d. Sarajevo, ulica Halilovići broj 2, 71 000 Sarajevo**, broj: 01-02-131/22 od 23.03.2022. godine, za izvođenje dodatnih radova na nadogradnji i rekonstrukciji javne rasvjete na području Općine Centar Sarajevo, putem pregovaračkog postupka bez objave obavještenja, u ukupnom iznosu od 103.382,33 KM bez PDV-a, odnosno 120.957,33 KM sa PDV-om.
- II. Ova Odluka stupa na snagu danom donošenja i dostavlja se ponuđaču koji je učestvovao u postupku javne nabavke u roku od 7 dana, shodno članu 71. Zakona.
- III. Ova Odluka će biti objavljena na web-stranici Općine Centar, www.centar.ba, istovremeno s upućivanjem iste ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

Obrazloženje

Postupak nabavke izvođenja dodatnih radova na nadogradnji i rekonstrukciji javne rasvjete na području Općine Centar Sarajevo, putem pregovaračkog postupka bez objave obavještenja, pokrenut je Odlukom Općinskog načelnika o pokretanju postupka broj: 10/E-11-2066/22 od 09.03.2022. godine.

Procijenjena vrijednost za predmetnu nabavku je 103.842,44 bez PDV-a.

Poziv za preuzimanje tenderske dokumentacije u pregovaračkom postupku bez objave obavještenja za izvođenje dodatnih radova na nadogradnji i rekonstrukciji javne rasvjete na području Općine Centar Sarajevo, dostavljen je na adresu ponuđača "STEP" d.d. Sarajevo.

Shodno Zakonu o javnim nabavkama, informacije o postupku i tenderska dokumentacija objavljene su na Internet stranici Općine Centar Sarajevo, kako bi bile dostupne ostalim ponuđačima.

Po pozivu za dostavu Zahtjeva za učešće ponuđač "STEP" d.d. Sarajevo je u ostavljenom roku do 18.03.2022. godine do 09:00 časova dostavio dokumentaciju zahtijevanu tenderskom dokumentacijom.

Nakon dostave dokumentacije, Komisija I je pristupila analizi priložene dokumentacije u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji. Nakon završene prve faze Komisija I je konstatovala da je ponuđač uz zahtjev za učešće dostavio ovjerene kopije dokumenata kojima se dokazuje ispunjavanje uslova iz tačke 2.1. tenderske dokumentacije (lična sposobnost).

Po okončanoj prvoj fazi postupka u kojoj je razmotren i prihvaćen zahtjev za učešće, Komisija I je uputila poziv ponuđaču "STEP" d.d. Sarajevo za dostavu početne ponude i poziv na pregovore.

Ponuđač "STEP" d.d. Sarajevo je dostavio svoju početnu ponudu u ostavljenom roku i to 22.03.2022. godine do 09:30 časova.

U skladu sa članom 63. Zakona o javnim nabavkama, Komisija I je u zakazano vrijeme pristupila javnom otvaranju ponude i nakon što je utvrđena blagovremenost i urednost dostave, pročitana je cijena pristigle početne ponude kako slijedi:

R.br	Ponuđač	Ukupna cijena bez PDV-a (KM)	Popust	Ukupna cijena sa PDV-om
1.	"STEP" d.d. Sarajevo	103.842,23	/	121.495,41

Uvidom u početnu ponudu ponuđača "STEP" d.d. Sarajevo, Komisija I je konstatovala da je ista sačinjena u potpunosti u skladu sa zahtjevima iskazanim u tenderskoj dokumentaciji.

Nakon pregleda i ocjene početne ponude, Komisija I je uputila poziv ponuđaču "STEP" d.d. Sarajevo za pregovaranje za dan 23.03.2022. godine u 10:30 časova.

U toku pregovaranja, ovlašteni predstavnik ponuđača „STEP“ d.d. Sarajevo je pristao na korekciju jediničnih cijena koje su navedene u početnoj ponudi prema stavkama koje su pobliže opisane u sačinjenom Zapisniku o pregovaranju broj: 10/E-11-2066/22 od 22.03.2022. godine, te je Komisija I zatražila od ponuđača "STEP" d.d. Sarajevo da dostavi konačnu ponudu do 23.03.2022. godine do 14:00 časova.

Dana 23.03.2022. godine ponuđač "STEP" d.d. Sarajevo je dostavio svoju **konačnu ponudu** u iznosu od **103.382,33 KM bez PDV-a, odnosno 120.957,33 KM sa PDV-om**, koja je postignuta u postupku pregovaranja.

Uvidom u konačnu ponudu ponuđača "STEP" d.d. Sarajevo, Komisija I je konstatovala da je ista sačinjena u potpunosti u skladu sa zahtjevima iskazanim u tenderskoj dokumentaciji.

Shodno izloženom, Komisija I je putem javnog glasanja jednoglasno donijela odluku da se Opštinskom načelniku dostavi:

PREPORUKA O PRIHVATANJU KONAČNE PONUDE

Ponuđača **"STEP" d.d. Sarajevo, ulica Halilovići broj 2, 71 000 Sarajevo**, broj: 01-02-131/22 od 23.03.2022. godine, za izvođenje dodatnih radova na nadogradnji i rekonstrukciji javne rasvjete na području Općine Centar Sarajevo, putem pregovaračkog postupka bez objave obavještenja, u ukupnom iznosu od 103.382,33 KM bez PDV-a, odnosno 120.957,33 KM sa PDV-om.

Opštinski načelnik u postupku ocjene nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije I, te je odlučeno kao u dispozitivu.

Pouka o pravnom lijeku

Protiv ove Odluke može se izjaviti žalba Uredu za razmatranje žalbi putem ovog ugovornog organa (Općina Centar Sarajevo), najkasnije u roku od 10 (deset) dana od dana prijema ove Odluke shodno članu 101. Zakona. Naknada za pokretanje žalbenog postupka iznosi 500,00 KM u skladu sa članom 108. stav (1) tačka a) Zakona.

Žalba se podnosi u dovoljnom broju primjeraka, a koji ne može biti manji od tri u skladu sa članom 99. stav (2) Zakona.

Prilog:

- Zapisnik o pregledu i ocjeni početne i konačne ponude broj: 10/E-11-2066/22 od 23.03.2022. godine



Dostaviti:

1. Ponuđaču: "STEP" d.d. Sarajevo, ul. Halilovići broj 2, 71 000 Sarajevo
2. Službi za prostorno uređenje i investicije – Odsjek za investicije
3. Kabinetu općinskog načelnika – Odsjeku za javne nabavke
4. Službi za finansije
5. Arhivi